

ԲՈՎԱՆԴԱԿՈՒԹՅՈՒՆ

I. ԸՆԴՀԱՆՈՒՐ ԴՐՈՒՅԹՆԵՐ	2
1. Մրցույթը	2
2. Նպատակը	3
3. Ժամկետները	4
4. Գիտահետազոտական խումբը	4
5. Խմբի ղեկավարը	5
6. Խմբի անդամները	6
7. Օտարերկրյա գործընկերը (Գործընկերը)	6
8. Կազմակերպությանը ներկայացվող պահանջները	7
9. Ակնկալվող արդյունքները	9
II. ՀԱՅՏԻ ԼՐԱՑՄԱՆ ԵՎ ՆԵՐԿԱՅԱՑՄԱՆ ԸՆԹԱՑԱԿԱՐԳԸ	11
10. Հայտ և անհրաժեշտ փաստաթղթեր ներկայացնելը	11
11. Նախահաշվի կազմությունը	12
III. ՀԱՅՏԵՐԻ ՔՆՆԱՐԿՈՒՄԸ ԵՎ ԳՆԱՀԱՏՈՒՄԸ	15
12. Հայտերի համապատասխանությունը Մրցույթի պայմաններին	15
13. Փորձաքննությունը	15
14. Փորձաքննության առաջին փուլը (ընդարձակ ամփոփագրի գնահատում)	16
15. Փորձաքննության երկրորդ փուլը (փորձագետի գնահատում)	16
16. Փորձաքննության երկրորդ փուլը (հարցազրույց)	17
17. Գնահատման արդյունքները	17
IV. ԱՅԼ ԴՐՈՒՅԹՆԵՐ	18
18. Պայմանագրերի կնքումը	18
19. Հաշվետվությունը	19
20. Լրացուցիչ տեղեկություններ	20
21. Նախագծի ֆինանսավորման դադարեցումը	21
Հավելված N 2.1	23
Հավելված N 2.2	24
Հավելված N 2.3	25
Հավելված N 2.4	26
Հավելված N 2.5	27

ՀՐԱՎԵՐ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏԱԿԱՆ ՀԱՄԱՅՆՔԻՆ ԱՐՏԵՐԿՐԻ ԳԻՏՆԱԿԱՆՆԵՐԻ ԻՆՏԵԳՐՈՒՄ - 2026» ՄՐՑՈՒՅԹԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Մրցույթը

- 1.1. «Հայաստանի Հանրապետության գիտական համայնքին արտերկրի գիտնականների ինտեգրում – 2026» մրցույթն (այսուհետ՝ **Մրցույթ**) անցկացվում է համաձայն Հայաստանի Հանրապետության կրթության, գիտության, մշակույթի և սպորտի նախարարի (այսուհետ՝ **Նախարար**) 2026 թվականի մարտի 13-ի N 391 -Ա/2 հրամանի:
- 1.2. **Մրցույթը** կազմակերպում է Հայաստանի Հանրապետության կրթության, գիտության, մշակույթի և սպորտի նախարարության բարձրագույն կրթության և գիտության կոմիտեն (այսուհետ՝ **Կոմիտե**)՝ առաջնորդվելով Հայաստանի Հանրապետության կառավարության 2025 թվականի փետրվարի 13-ի N 156-Ն որոշման N 3 հավելվածով հաստատված «Գիտական և գիտատեխնիկական գործունեության գիտական դրամաշնորհային ֆինանսավորման ձևով պետական ֆինանսավորման կարգով»:
- 1.3. **Մրցույթն** ուղղված է Հայաստանի Հանրապետության գիտության ոլորտի զարգացման 2026-2030 թվականների ռազմավարական ծրագրի «Հետազոտությունների գերազանցության խթանում» ռազմավարական նպատակի «Մարդկային ներուժի զարգացում և պահպանում» միջոցառման «Հեռավար լաբորատորիաների հիմնադրման, Լաբորատորիաների ամրապնդման, Ինտեգրման և առաջատար հետազոտությունների իրականացման մրցույթների կազմակերպում» կետի իրականացմանը:
- 1.4. **Մրցույթն** իրականացվում է գիտական և գիտատեխնիկական գործունեության բոլոր բնագավառների մասնագիտություններով (**Հավելված N 2.1**):
- 1.5. **Մրցույթին** մասնակցության համար անհրաժեշտ է ներկայացնել հայտ (այսուհետ՝ **Հայտ**), որը ներառում է գիտական նախագիծ (այսուհետ՝ **Նախագիծ**) և պահանջվող այլ փաստաթղթեր/տվյալներ:

- 1.6. **Նախագիծը (Հավելված N 2.2)** պետք է լինի հավակնոտ, մրցունակ, հեռանկարային, խոստումնալից և իրագործելի:
- 1.7. **Մրցույթի** շրջանակներում միջազգային գիտատեղեկատվական շտեմարաններում ընդգրկված հրապարակում է (այսուհետ՝ **ՄԳՇ հրապարակում**) համարվում Վեբ օֆ Սայնս (Web of Science™) հարթակի հիմնական շտեմարանում (Web of Science Core Collection) կամ Սկոպուս (Scopus) գիտատեղեկատվական հարթակում ընդգրկված հոդվածը (article), ակնարկը (review), նամակը (letter), գիտաժողովի նյութը (Conference Paper, Proceedings Paper) կամ գրքի գլուխը (book chapter), իսկ մենագրությունը (այսուհետ՝ **Մենագրություն**) պետք է ունենա առնվազն հինգ տպագրական մամուլ ծավալ և որպես գիրք տեսակի փաստաթուղթ (Book) ինդեքսավորված լինի Վեբ օֆ Սայնս (Web of Science™) կամ Սկոպուս (Scopus) գիտատեղեկատվական հարթակում:
- 1.8. **Հավելված 2.1-ի «6»** բնագավառի մասնագիտությունների համար 1 **Մենագրությունը** համարժեք է 4 **ՄԳՇ հրապարակման**:
- 1.9. **Մրցույթի** հրավերի փաթեթը սահմանում է դրան դիմելու ընթացակարգը, չափանիշները, **Հայտերի** գնահատման փուլերը և շահառու **Հայտերի** ֆինանսավորման ու հաշվետվողականության ընթացակարգը:

2. Նպատակը

2.1. **Մրցույթի** նպատակներն են.

- խթանել ներպետական և միջազգային համագործակցությունը,
- զարգացնել բազային ֆինանսավորմամբ ծրագիր իրականացնող կազմակերպությունում (այսուհետ՝ **Կազմակերպություն**) գիտական և գիտատեխնիկական ներուժը,
- ներգրավել սփյուռքի և արտերկրի գիտական ներուժը,
- ներգրավել երիտասարդ հետազոտողների և ասպիրանտների,
- նպաստել միջազգային հետազոտական միջավայրին երիտասարդ հետազոտողների ինտեգրմանը,
- բարելավել գիտական միջավայրը,
- ստեղծել նոր, մրցունակ և հեռանկարային գիտական ստորաբաժանումներ,
- նպաստել գիտական արդյունքների սոցիալ-տնտեսական ազդեցության զարգացմանը,

- խթանել գիտության ոլորտում մրցակցային պայմանները:

3. Ժամկետները

- 3.1. **Նախագծերի** իրականացման տևողությունը 60 ամիս է:
- 3.2. **Մրցույթին** դիմելու վերջնաժամկետը 2026 թվականի ապրիլի 23-ն է: **Կոմիտեի** հայտերի ընդունման առցանց համակարգում (irf-armenia-2026.hesc.am, այսուհետ՝ **Համակարգ**) **Հայտերի** ուղարկման հնարավորությունը կարգելափակվի Երևանի ժամանակով ժամը 18:00-ին:
- 3.3. Թղթային տարբերակով **Կազմակերպության** ներկայացուցչի կողմից **Կոմիտե** ներկայացվող փաստաթղթերի վերջնաժամկետը 2026 թվականի ապրիլի 30-ն է:
- 3.4. **Մրցույթի** արդյունքում ֆինանսավորման երաշխավորված **Նախագծերի** ֆինանսավորման մեկնարկը նախատեսվում է 2026 թվականի սեպտեմբեր ամսից:
- 3.5. **Նախագծերի** ֆինանսավորման համար պայմանագրերը կնքվում են **Մրցույթի** արդյունքները հրապարակելուց հետո:
- 3.6. Հաշվետվությունների ներկայացման վերջնաժամկետն է ֆինանսավորման մեկնարկից հետո յուրաքանչյուր 12-րդ ամսվա վերջին աշխատանքային օրը:
- 3.7. **Նախագիծն** իրականացվում է պայմանագրում նշված ժամկետներում:

4. Գիտահետազոտական խումբը

- 4.1. **Նախագիծը** մշակում և իրականացնում է 3-5 անդամից բաղկացած գիտահետազոտական խումբը (այսուհետ՝ **խումբ**), որը կազմված է արտերկրի ղեկավարից (այսուհետ՝ **խմբի ղեկավար**) և կատարողներից (այսուհետ՝ միասին՝ **խմբի անդամներ**):
- 4.2. **Խմբի անդամները Հայտ** ներկայացնելու փուլում կարող են լինել ինչպես Հայաստանի Հանրապետության, այնպես էլ օտարերկրյա քաղաքացիներ:
- 4.3. **Խմբի անդամները Նախագծի** իրականացման ընթացքում պետք է հանդիսանան Հայաստանի Հանրապետության քաղաքացիներ կամ ռեզիդենտներ, ինչպես նաև **Նախագծի** իրականացման ընթացքում բնակվեն Հայաստանի Հանրապետությունում:
- 4.4. **Խումբը** պետք է ունենա օտարերկրյա գործընկեր (այսուհետ՝ **Գործընկեր** (Foreign Partner; Collaborator)):
- 4.5. **Խմբի** անունից հանդես է գալիս միայն **խմբի ղեկավարը**:

5. Խմբի ղեկավարը

5.1. **Հայտը** ներկայացնում է **Խմբի ղեկավարը**:

5.2. **Խմբի ղեկավար** կարող է լինել այն անձը, ով՝

- ծնվել է 1976 թվականի հունվարի 1-ից հետո,
- գիտական աստիճանը ստացել է 2006 թվականի հունվարի 1-ից հետո,
- **Հայտերի** առցանց ընդունման վերջնաժամկետին (2026 թվականի ապրիլի 23) նախորդող 4 տարիների ընթացքում գումարային 12 և ավելի ամիս Հայաստանի Հանրապետությունում չի ուսումնառել կամ աշխատել (բացառությամբ «Հայաստանի Հանրապետության գիտական կազմակերպություններում արտերկրի գիտնականների «PostDoc-Armenia» ծրագրի շրջանակներում իրականացվող նախագծերի ղեկավարների):

5.3. **Խմբի ղեկավարը** վերջին 5 տարիների համար (2021 - 2026 թթ.) պետք է ներկայացնի՝ **Հավելված 2.1** -ի «1-5» բնագավառների մասնագիտություններով.

- առնվազն 4 գիտական հրապարակում **ՄԳՇ-ում**,

կամ

- ունենա առնվազն 10 Հիրշի ինդեքս (h-index)՝ ըստ «Scopus» (<https://www.scopus.com/freelookup/form/author.uri>) գիտատեղեկատվական շտեմարանի տվյալների:

Հավելված 2.1-ի «6» բնագավառի մասնագիտություններով.

- առնվազն 2 գիտական հրապարակում **ՄԳՇ-ում**,

կամ

- 1 **Մենագրություն**,

կամ

- ունենա առնվազն 3 Հիրշի ինդեքս (h-index)՝ ըստ «Scopus» (<https://www.scopus.com/freelookup/form/author.uri>) գիտատեղեկատվական շտեմարանի տվյալների:

5.4. **Խմբի ղեկավարը** պատասխանատու է **Խմբի** կազմավորման և **Նախագծի** իրականացման հաջող ընթացքի համար:

6. Խմբի անդամները

6.1. **Խմբի** անդամներից առնվազն երկուսը պետք է ծնված լինեն 1991 թվականի հունվարի 1-ից հետո և կարող են լինել բակալավրիատի առնվազն երրորդ կուրսի ուսանողներ: Նշված տարիքային շեմը կարող է բարձրանալ.

- զինված ուժերում ծառայած լինելու դեպքում՝ 2 տարով,
- երեխայի խնամքի արձակուրդում գտնվելու դեպքում՝ յուրաքանչյուր երեխայի համար՝ 1 տարով:

6.2. **Խմբի** կատարողները կարող են լինել **Նախագծի Հավելված 2.1**-ի գիտական և գիտատեխնիկական բնագավառներին առնչվող մասնագիտությամբ բակալավրիատի առաջին կամ երկրորդ կուրսի ուսանողներ, եթե դպրոցական առարկայական օլիմպիադայի հանրապետական փուլում 11-րդ կամ 12-րդ դասարաններում արժանացել են առնվազն երրորդ կարգի դիպլոմի:

6.3. **Խմբի անդամները** չեն կարող ընդգրկվել **Մրցույթին** ներկայացված մեկից ավելի **Հայտերում**:

6.4. **Խմբի անդամները** չեն կարող ընդգրկվել **Մրցույթին** ներկայացված **Հայտում**, եթե հանդիսանում են հետևյալ մրցույթների շահառուներ.

- Առաջատար հետազոտությունների աջակցության գիտական թեմաների հայտերի ընտրության մրցույթ,
- Գիտական խմբերի կամ լաբորատորիաների (բաժինների) ամրապնդմանն աջակցություն,
- Հայաստանի Հանրապետության գիտական համայնքին արտերկրի գիտնականների ինտեգրմանն աջակցության ծրագիր,
- Հեռավար լաբորատորիաների հիմնադրման ծրագիր:

7. Օտարերկրյա գործընկերը (Գործընկերը)

7.1. **Խումբը** պետք է ունենա Օտարերկրյա գործընկեր (Գործընկեր):

7.2. **Գործընկեր** կարող է լինել այն անձը, ով՝

- ունի գիտական աստիճան,
- **Նախագծին** առնչվող մասնագիտությամբ զբաղվում է գիտահետազոտական գործունեությամբ արտերկրի գիտական հետազոտական կազմակերպությունում:

7.3. **Գործընկերոջ** Հիրշի ինդեքսը (h-index)՝

Հավելված 2.1-ի «1-5» բնագավառների մասնագիտություններով պետք է լինի առնվազն 15՝ ըստ «Scopus» (<https://www.scopus.com/freelookup/form/author.uri>) գիտատեղեկատվական շտեմարանի տվյալների,

Հավելված 2.1-ի «6» բնագավառի մասնագիտություններով պետք է լինի առնվազն 3 կամ վերջին 5 տարիների ընթացքում տվյալ ուղղությամբ **Գործընկերը** պետք է ունենա առնվազն 8 գիտական հրապարակում **ՄԳՇ-ում**:

- 7.4. **Գործընկերը** չի հանդիսանում **Խմբի** անդամ և նրա համար աշխատանքի վարձատրություն չի նախատեսվում:
- 7.5. **Գործընկերը Խմբի ղեկավարին** է տրամադրում իր մասնագիտական ինքնակենսագրությունը (CV) և հաստատող նամակը (Confirmation Letter), որով հավաստում է, որ ծանոթ է **Նախագծի** բովանդակությանը և իր գործառույթների շրջանակին, համաձայն է մասնակցել հետազոտական աշխատանքներին և նախատեսվող համատեղ գիտափորձերին, քննարկումներին, սեմինարներին և այլ միջոցառումներին:
- 7.6. Որպես **Նախագծի** վերջնարդյունք ներկայացված հրապարակումներից առնվազն մեկը պետք է լինի **Գործընկերոջ** համահեղինակությամբ:
- 7.7. **Նախագծի** իրականացման ամբողջ ժամանակահատվածում (60-ամսյա կտրվածքով) **Գործընկերը** պետք է գումարային առնվազն 25 օր գտնվի Հայաստանի Հանրապետության ընդունող **Կազմակերպությունում** և գումարային առնվազն 25 օր իր գիտական կազմակերպությունում ընդունի **Խմբի անդամներին**:
- 7.8. **Գործընկերը** չի կարող ընդգրկվել **Մրցույթին** ներկայացված մեկից ավելի **Հայտերում**:

8. Կազմակերպությանը ներկայացվող պահանջները

- 8.1. **Կազմակերպությունը** պետք է լինի Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորման ծրագիր իրականացնող:
- 8.2. **Կազմակերպությունը, Նախագծի** իրականացման ընթացքում, ապահովում է **Խմբի անդամների** հասանելիությունը առկա ենթակառուցվածքներին և սարքավորումներին:
- 8.3. **Կազմակերպությունը** աջակցում է **Նախագծի** իրականացմանը:

- 8.4. Կազմակերպությունը Խմբի ղեկավարին** տրամադրում է **Կազմակերպության** գիտական ուղղություններին (ռազմավարությանը) **Նախագծի** համապատասխանությունը, կարևորությունը և արդիականությունը հիմնավորող՝ **Կազմակերպության** (բուհի ֆակուլտետի) գիտական խորհրդի եզրակացություն (Board Conclusion):
- 8.5. Կազմակերպությունը Նախագծի** իրականացման մինչև 3 ամիս լրանալը, առնվազն **Նախագծի** իրականացման ամբողջ ընթացքի համար, **Խմբի ղեկավարին** ներառում է գիտական և գիտատեխնիկական գործունեության բազային ֆինանսավորման ծրագրում:
- 8.6. Նախագծի** իրականացման մինչև 24 ամիսը լրանալը, **Խմբի ղեկավարի** (ստորաբաժանման ղեկավար) և կատարողների (ստորաբաժանման աշխատակիցներ) ընդգրկմամբ **Կազմակերպությունում** գիտական և գիտատեխնիկական գործունեության բազային ֆինանսավորմամբ ձևավորվում է նոր գիտական ստորաբաժանում (խումբ, լաբորատորիա, բաժին): **Խմբի ղեկավարի** ղեկավարությամբ և **Խմբի կատարողների** ընդգրկմամբ ձևավորված ստորաբաժանման աշխատակիցների գումարային աշխատաժամանակի տևողությունը բազային ֆինանսավորմամբ իրականացվող ծրագրում պետք է լինի շաբաթական առնվազն 120 ժամ (այն համապատասխանում է 3 լրիվ զբաղվածության համարժեքին (Full Time Equivalent. FTE)):
- 8.7. Կազմակերպության** ղեկավարը **Խմբի ղեկավարին** տրամադրում է տեղեկանք, որ ծանոթ է **Մրցույթի** հրավերի պայմաններին և պատրաստ է **Նախագծի** ֆինանսավորման պարագայում **Կազմակերպության** բազային ֆինանսավորման ֆինանսական միջոցներով ապահովել սույն հրավերի «**8.5.**» և «**8.6.**» ենթակետերով նախատեսված պայմանները, ինչպես նաև նշելով նոր ստորաբաժանման հավանական տարածքի, սենյակների քանակի, ենթակառուցվածքի համլրվածության վերաբերյալ տեղեկություն:
- 8.8. Ծախսերի նախահաշվի** (այսուհետ՝ **Նախահաշիվ**), «Այլ ծախսեր» հոդվածի «Վերադիր ծախսեր» ենթահոդվածով նախատեսված ֆինանսական միջոցներով **Կազմակերպությունը** ստեղծում է **Նախագծի** իրականացման համար անհրաժեշտ պայմաններ:
- 8.9. Նախագծի** իրականացման համար անհրաժեշտ սարքերը, նյութերը և ծառայությունները ձեռք են բերվում «Գնումների մասին» ՀՀ օրենքով սահմանված

կարգով՝ պետության կարիքների համար կատարվող գնումների կանոններին համապատասխան:

- 8.10.** Ձեռք բերված սարքերն ու սարքավորումները ներառվում են **Կազմակերպության** հաշվեկշռում, տնօրինման իրավունքը պատկանում է **Կազմակերպությանը՝** հետագայում ևս կանոնադրական նպատակներով օգտագործման (գիտական և գիտահետազոտական աշխատանքների իրականացման) համար:
- 8.11. Նախագիծը** ֆինանսավորման երաշխավորվելուց հետո **Կազմակերպության, Կոմիտեի** և ֆինանսավորման երաշխավորված **Խմբի ղեկավարի** միջև կնքվում է գիտական և գիտատեխնիկական գործունեության գիտական դրամաշնորհային ֆինանսավորման շրջանակներում հետազոտական նախագծերի իրականացման համար պետության կողմից դրամաշնորհի ձևով տրամադրվող ֆինանսական աջակցության գումարների օգտագործման մասին պայմանագիր (այսուհետ՝ **Պայմանագիր**):

9. Ակնկալվող արդյունքները

9.1. Նախագծի շրջանակներում իրականացված հետազոտության արդյունքները հրապարակելիս անհրաժեշտ է նշել **Կոմիտեի** կողմից ստացած ֆինանսավորման մասին.

- *The research was supported by the Higher Education and Science Committee of MESCS RA (Research project N° _____).*

9.2. Նախագծի կատարման 35 ամիսը լրանալուց հետո **Խմբի անդամները** պետք է ներկայացնեն որպես աշխատավայր (affiliation) **Կազմակերպության** և սույն հրավերի «9.1.» ենթակետով սահմանված նշումներով.

Հավելված 2.1-ի «1-5» բնագավառների մասնագիտություններով.

- առնվազն 3 գիտական հրապարակում **ՄԳՇ-ում**,

Հավելված 2.1-ի «6» բնագավառի մասնագիտություններով.

- առնվազն 2 գիտական հրապարակում **ՄԳՇ-ում**,

կամ

- 1 **Մենագրություն:**

Ուշադրություն. Համապատասխան նշումների բացակայության դեպքում հրապարակումը չի համարվի Նախագծի իրականացման արդյունք, հետևաբար՝ հաշվի չի առնվի հաշվետվության մեջ:

9.3. **Նախագծի** կատարման 35 ամիսը լրանալուց հետո սույն հրավերի «9.2.» ենթակետի պայմանները չկատարելու դեպքում **Նախագծի** ֆինանսավորումը կարող է դադարեցվել:

9.4. **Նախագծի** ավարտից հետո (60-ամսյա կտրվածքով) **Խմբի անդամները** պետք է ներկայացնեն որպես աշխատավայր (affiliation) **Կազմակերպության** և սույն հրավերի «9.1.» ենթակետով սահմանված նշումներով.

Հավելված 2.1-ի «1-5» բնագավառների մասնագիտություններով.

- առնվազն 8 գիտական հրապարակում **ՄԳՇ-ում**, որոնցից առնվազն 2-ը՝ Q1 և առնվազն 2-ը՝ Q2 քառորդներում ընդգրկված պարբերականներում:

Հավելված 2.1-ի «6» բնագավառի մասնագիտություններով.

- առնվազն 4 գիտական հրապարակում **ՄԳՇ-ում**, որոնցից առնվազն 1-ը՝ Q1 և առնվազն 1-ը՝ Q2 քառորդներում ընդգրկված պարբերականներում,

կամ

- 1 **Մենագրություն:**

9.5. Որպես **Նախագծի** արդյունք ներկայացված գիտական հրապարակումներում, **Հավելված 2.1**-ի «1-5» բնագավառների մասնագիտություններով՝ առնվազն 4-ում, իսկ **Հավելված 2.1**-ի «6» բնագավառի մասնագիտություններով՝ առնվազն 2-ում, **Խմբի ղեկավարը** պետք է լինի կամ առաջին, կամ վերջին, կամ գրագրություն վարող (corresponding author) հեղինակ, կամ ունենա որևէ համարժեք նշում, և առնվազն 1 **ՄԳՇ հրապարակում** պետք է լինի **Գործընկերոջ** համահեղինակությամբ:

9.6. Սույն **Հրավերի** «9.5.» ենթակետում նշված առաջին, վերջին կամ գրագրություն պահպանող հեղինակ լինելու քանակական պահանջները կարող են փոխարինվել «9.4.» ենթակետում նշված ՄԳՇ-ում ընդգրկված հրապարակումների քանակից առնվազն երկու անգամ ավել քանակի, ամսագրերի դասակարգման առաջին քառորդի (Q1) հրապարակումներով, եթե աշխատանքներն իրականացվել են միջազգային համագործակցության շրջանակներում: Միջազգային համագործակցության հրապարակում է համարվում այն աշխատանքը, որտեղ մասնակից երկրների թիվն առնվազն 10 է, իսկ համահեղինակների թիվը մեծ է 50-ից:

9.7. **Նախագծի** կատարման արդյունքում **Խումբը** պետք է ներկայացնի **Հավելված 2.1**-ի «1-5» բնագավառների մասնագիտություններով 25,000.0 հազար դրամը գերազանցող, իսկ **Հավելված 2.1**-ի «6» բնագավառի մասնագիտություններով՝

15,000.0 հազար դրամը գերազանցող միջազգային գիտական դրամաշնորհի ներկայացված առնվազն 1 հայտի (submitted grant) վերաբերյալ հավաստող փաստաթուղթ:

9.8. Նախագծի իրականացման ընթացքում **Խումբը** պետք է ապահովի **Նախագծի** կամ գիտության տվյալ բնագավառի վերաբերյալ գիտահանրամատչելի նյութերի ստեղծում և հանրայնացում (հարցազրույցներ, սոցիալական ցանցերով **Ծրագրի** վերաբերյալ գրառումներ, գիտահանրամատչելի ամսագրերում հրապարակումներ, տեսանյութերի ստեղծում և տարածում, լայն լսարանի համար քննարկումների կազմակերպում և այլն), որոնք հաշվի կառնվեն ամփոփիչ հաշվետվությունն ընդունելու մասին եզրակացություն տալիս:

9.9. Սույն հրավերի «**9.2.**», «**9.4.**», «**9.5.**» և «**9.7.**» ենթակետերով նշված պայմանները չկատարելը/կատարելը կանդրադառնա **Կոմիտեի** կողմից հետագայում հայտարարվող մրցույթներում **Խմբի անդամների** ընդգրկմամբ հայտի գնահատականի վրա՝ դրանից հանելով/գումարելով տվյալ մրցույթում հայտի առավելագույն գնահատականի 5 տոկոսի չափով միավոր՝ **Խմբի ղեկավարի** ընդգրկված լինելու դեպքում և 1 տոկոսի չափով միավոր՝ **Խմբի** կատարողներից յուրաքանչյուրի դեպքում: Հանրագումարում կհանվի/կգումարվի տվյալ մրցույթում հայտի առավելագույն գնահատականի ոչ ավելի, քան 5 տոկոսի չափով միավոր: Հետագա մրցույթներին ներկայացվելիք հայտի գնահատականի նվազեցումը կչեղարկվի սույն հրավերի «**9.2.**», «**9.4.**», «**9.5.**» և «**9.7.**» ենթակետերով նախատեսված պայմանները բավարարելու մասին **Կոմիտե** ներկայացված տեղեկատվության հիման վրա:

II. ՀԱՅՏԻ ԼՐԱՑՄԱՆ ԵՎ ՆԵՐԿԱՅԱՑՄԱՆ ԸՆԹԱՑԱԿԱՐԳԸ

10. Հայտ և անհրաժեշտ փաստաթղթեր ներկայացնելը

10.1. Հայտը լրացնում և ներկայացնում է **Խմբի ղեկավարը՝ Համակարգի** (irf-armenia-2026.hesc.am) միջոցով: **Հայտի** ուղարկման վերջնաժամկետը 2026 թվականի ապրիլի 23-ն է (**Հայտերի** ուղարկման հնարավորությունն արգելափակվում է Երևանի ժամանակով ժամը 18:00-ին):

10.2. Համակարգի միջոցով ներկայացվող **Հայտը** պետք է պարունակի հետևյալ փաստաթղթերը.

- **Խմբի ղեկավարի** դիմումը (**Հավելված N 2.3**),

- **Նախահաշիվը,**
- գիտական խորհրդի համապատասխան եզրակացությունը (Board Conclusion),
- **Կազմակերպության** ղեկավարի՝ սույն հրավերի «8.5.» և «8.6.» ենթակետերով պահանջվող տեղեկանքը,
- **Խմբի** կատարողների ասպիրանտ կամ ուսանող հանդիսանալու դեպքում՝ համապատասխան տեղեկանքները, որտեղ նշված են մասնագիտությունը և ուսուցման տարին,
- Սույն հրավերի «6.5.» ենթակետով պահանջվող դիպլոմի պատճենը,
- **Խմբի** անդամների մասնագիտական ինքնակենսագրությունները (CV),
- տարիքային շեմը բարձրացնելու համար՝ զինվորական գրքույկի պատճենը կամ երեխայի խնամքի արձակուրդի մասին համապատասխան փաստաթղթի պատճենը,
- **Գործընկերոջ** մասնագիտական ինքնակենսագրությունը (CV) և հաստատող նամակը (Letter of Confirmation),

10.3. Անհրաժեշտության դեպքում կարող են պահանջվել այլ փաստաթղթեր:

10.4. Կազմակերպության ներկայացուցիչը (գիտական քարտուղար կամ այլ պատասխանատու անձ) մինչև 2026 թվականի ապրիլի 30-ը ներառյալ, մեկ ընդհանուր փաթեթով, **Կազմակերպության** ղեկավարի գրությամբ (**Հավելված 2.4**), աշխատանքային ժամերին առձեռն **Կոմիտե** է ներկայացնում **Կազմակերպության** կողմից ներկայացված յուրաքանչյուր **Հայտի Խմբի ղեկավարի** դիմումը և **Նախահաշիվը** (Օրբելի եղբայրների փողոց 22, 8-րդ հարկ, 805 սենյակ):

10.5. Մրցույթի վերաբերյալ լրացուցիչ տեղեկատվություն և խորհրդատվություն կարելի է ստանալ **Կոմիտեից**, հեռախոս՝ (010) 300109 (ներքին 830), էլեկտրոնային փոստ՝ grants@hesc.am:

Ուշադրություն. **Կոմիտեն քննարկման է ընդունում միայն Համակարգի կողմից գեներացված Հայտերը: Հայտերը, որոնք չեն ուղարկվել վերը նշված ընթացակարգով և ժամկետներում, քննարկման ենթակա չեն:**

11. Նախահաշվի կազմությունը

11.1. Նախահաշիվը կազմված է «Աշխատանքի վարձատրություն» և «Այլ ծախսեր» հոդվածներից: «Այլ ծախսեր» հոդվածը բաղկացած է «Սարքեր, նյութեր և ծառայություններ», «Գործուղումներ», «Խմբի կամ լաբորատորիայի ամրապնդում» և «Վերադիր ծախսեր» ենթահոդվածներից:

11.2. Նախագծի ֆինանսավորման առավելագույն չափը կարող է լինել՝

- 5 անդամից բաղկացած **Խմբի** համար՝ 148,000.0 հազար (մեկ հարյուր քառասունութ միլիոն) դրամ,
- 4 անդամից բաղկացած **Խմբի** համար՝ 125,000.0 հազար (մեկ հարյուր քսանհինգ միլիոն) դրամ,
- 3 անդամից բաղկացած **Խմբի** համար՝ 102,000.0 հազար (մեկ հարյուր երկու միլիոն) դրամ:

Վերոնշյալ գումարը կարող է ավելանալ սույն հրավերի «11.4.» ենթակետում նշված գումարի չափով:

11.3. Նախահաշվի «Աշխատանքի վարձատրություն» հոդվածում աշխատանքի ամսական վարձատրության (ներառյալ հարկերը և այլ պարտադիր վճարները) չափը նախատեսել.

- **Խմբի ղեկավարի** համար՝ մինչև 600.0 հազար (վեց հարյուր հազար) դրամ,
- **Խմբի** կատարողների (բացի **Խմբի ղեկավարից**) համար՝ միջին հաշվարկային չափն ընդունել մինչև 300.0 հազար (երեք հարյուր հազար) դրամ, իսկ նվազագույն չափն՝ 150.0 (մեկ հարյուր հիսուն) հազար դրամ:

11.4. Ընտանիքի անդամ(ներ)ը Հայաստանի Հանրապետություն տեղափոխվելու դեպքում **Խմբի ղեկավարի** աշխատանքի վարձատրության (ներառյալ հարկերը և այլ պարտադիր վճարները) չափին լրացուցիչ ավելանում է՝ ամուսնու դեպքում՝ 150.0 (մեկ հարյուր հիսուն) հազար ՀՀ դրամ և յուրաքանչյուր անչափահաս երեխայի դեպքում 100.0 (մեկ հարյուր) հազար ՀՀ դրամ, բայց գումարային ոչ ավել քան 400.0 (չորս հարյուր) հազար ՀՀ դրամ: Սույն ենթակետը գործում է նաև Հայաստանի Հանրապետություն տեղափոխվելուց հետո ամուսնության և երեխայի ծնունդի դեպքում: Այդ նպատակով **Խմբի ղեկավարը** դիմում է **Կոմիտե**՝ ներկայացնելով հավաստող փաստաթղթերը, և կնքվում է **Պայմանագրի** անբաժանելի մաս կազմող համաձայնագիր, որով ամրագրվում է **Պայմանագրի** գնի փոփոխությունը:

11.5. Աշխատանքի վարձատրության գումարը սույն հրավերի «11.3.» և «11.4.» ենթակետում նշված չափից պակաս նախատեսելու դեպքում՝ տարբերությունը կարող է օգտագործվել **Նախահաշվի** «Այլ ծախսեր» հոդվածում:

11.6. Գործընկերը չի հանդիսանում **Խմբի անդամ** և նրա համար աշխատանքի վարձատրություն չի նախատեսվում:

- 11.7. Նախահաշվի** «Այլ ծախսեր» հոդվածի «Սարքեր, նյութեր և ծառայություններ», «Գործուղումներ» և «Վերադիր ծախսեր» ենթահոդվածներով 60 ամսվա համար կարելի է նախատեսել.
- 5 անդամից բաղկացած **խմբի** համար՝ 25,000.0 հազար (քսանհինգ միլիոն) դրամ,
 - 4 անդամից բաղկացած **խմբի** համար՝ 20,000.0 հազար (քսան միլիոն) դրամ,
 - 3 անդամից բաղկացած **խմբի** համար՝ 15,000.0 հազար (տասնհինգ միլիոն) դրամ:
- 11.8. Նախահաշվի** «Այլ ծախսեր» հոդվածի «Սարքեր, նյութեր և ծառայություններ» ենթահոդվածով կարող են նախատեսվել գիտական սարքավորումների, հետազոտությունների ընթացքում օգտագործվող նյութերի ձեռքբերման և/կամ ծառայությունների ծախսերը: Ծառայությունների մատուցման պայմանագրեր կարող է կնքվել միայն իրավաբանական անձանց հետ՝ համաձայնեցնելով **Կոմիտեի** հետ:
- 11.9.** Ընտանիքի անդամ(ներ)ի հետ Հայաստանի Հանրապետություն տեղափոխվելու դեպքում **Նախահաշվի** «Այլ ծախսեր» հոդվածի «Խմբի կամ լաբորատորիայի ամրապնդում» ենթահոդվածում կարող է նախատեսվել «Տեղափոխման միանվագ գումար» (Settling-in) մինչև 1,000.0 հազար (մեկ միլիոն) դրամ (տոմսի փոխհատուցում, բնակարանի կանխավճար և այլն):
- 11.10.** Գիտական սարքերի և սարքավորումների ձեռքբերումը չի կարող նախատեսվել **Նախագծի** իրականացման վերջին տարում:
- 11.11. Նախահաշվի** «Այլ ծախսեր» հոդվածի «Գործուղումներ» ենթահոդվածով նախատեսվող գումարը կարող է օգտագործվել **Նախագծի** իրականացման, ընթացքի ու արդյունքների ներկայացման նպատակով միջազգային գիտաժողովներին մասնակցության համար, ինչպես նաև **Գործընկերոջ** և **խմբի անդամների** փոխադարձ այցելությունների ծախսերը հոգալու համար:
- 11.12.** Գործուղումների օրապահիկը և գիշերավարձը հաշվարկելիս անհրաժեշտ է առաջնորդվել Հայաստանի Հանրապետության կառավարության 2005 թվականի դեկտեմբերի 29-ի N 2335-Ն որոշմամբ:
- 11.13. Նախահաշվի** «Այլ ծախսեր» հոդվածի «Խմբի կամ լաբորատորիայի ամրապնդում» ենթահոդվածով առաջին 12 ամսվա համար կարող է հայցվել 15,000.0 հազար (տասնհինգ միլիոն) դրամ, որը կարող է օգտագործվել խմբի կամ լաբորատորիայի ենթակառուցվածքի բարելավման ուղղությամբ և **Նախագծի** կատարման համար անհրաժեշտ այլ ծախսերի համար:

- 11.14. **Նախահաշվի** «Այլ ծախսեր» հոդվածի «Վերադիր ծախսեր» ենթահոդվածով (60 ամսվա համար) կարող է հայցվել մինչև 2,500.0 հազար (երկու միլիոն հինգ հարյուր հազար) դրամ:
- 11.15. **Նախահաշվի** բոլոր ենթահոդվածների ծախսերը պետք է հիմնավորել **Նախահաշվի** մեկնաբանության մեջ:
- 11.16. **Հայտի** քննարկման ընթացքում **Նախահաշվի** հիմնավորվածությունը և բաշխումը կարող են լրամշակվել **Խմբի ղեկավարի** համաձայնությամբ:

III. ՀԱՅՏԵՐԻ ՔՆՆԱՐԿՈՒՄԸ ԵՎ ԳՆԱՀԱՏՈՒՄԸ

12. Հայտերի համապատասխանությունը Մրցույթի պայմաններին

12.1. Կոմիտեն ստուգում է

- **Հայտերի** համապատասխանությունը **Մրցույթի** հրավերի պայմաններին:

12.2. Հայտը չի քննարկվում, եթե՝

- չի պարունակում բոլոր անհրաժեշտ փաստաթղթերը,
- չի բավարարում **Մրցույթի** հրավերի պայմաններին,
- բովանդակությամբ համընկնում է Հայաստանի Հանրապետության պետական բյուջեից ֆինանսավորվող կամ ֆինանսավորված որևէ այլ նախագծի հետ:

12.3. Ստուգման արդյունքները տրամադրվում են **Հայտերի** երաշխավորման ու հաշվետվությունների ընդունման նպատակով ձևավորված հանձնաժողովին (այսուհետ՝ **Հանձնաժողով**):

12.4. **Հանձնաժողովը** քննարկում և հաստատում է փորձաքննության ենթակա **Հայտերի** ցանկը:

12.5. **Մրցույթի** պայմաններին չհամապատասխանող **Հայտը** փորձաքննության փուլ չի անցնում, որի մասին **Խմբի ղեկավարը** տեղեկացվում է էլեկտրոնային եղանակով:

13. Փորձաքննությունը

13.1. **Հանձնաժողովը Կոմիտեի** հետ համատեղ մշակում ու հաստատում է **Հայտերի** փորձաքննության առաջին և երկրորդ փուլերի գնահատման թերթիկները և վարման ընթացակարգը՝ ներառելով որակական մատրիցային գնահատման համակարգ:

13.2. Փորձաքննության առաջին փուլում Հանձնաժողովը գնահատում է **Նախագծի** ընդարձակ ամփոփագիրը (**Հավելված 2.5**) և **Հայտում** ներառված այլ փաստաթղթերը/տվյալները:

13.3. Փորձաքննության երկրորդ փուլում փորձագետը գնահատում է **Հայտը՝ Նախագիծը**, իսկ **Հանձնաժողովն** անցկացնում է հարցազրույց **Խմբի ղեկավարի** հետ:

13.4. **Կոմիտեի, Հանձնաժողովի** և փորձագետների կողմից **Հայտի** բովանդակության, փորձաքննության ընթացքի և արդյունքի վերաբերյալ տեղեկությունների տրամադրումն այլ անձանց արգելվում է՝ համաձայն «Գիտական և գիտատեխնիկական փորձաքննության մասին» Հայաստանի Հանրապետության օրենքով սահմանված դրույթների:

14. Փորձաքննության առաջին փուլը (ընդարձակ ամփոփագրի գնահատում)

14.1. Փորձաքննության առաջին փուլում **Հանձնաժողովը**, հաշվի առնելով **Նախագծի** ընդարձակ ամփոփագիրը, **Խմբի ղեկավարի** և կատարողների գիտական հետազիծը (track record), մասնագիտական ինքնակենսագրությունները (CV), **Կազմակերպության և Գործընկերոջ** համապատասխանությունը **Նախագծի** նպատակներին՝ կոնսենսուսի սկզբունքով ձևավորում է առաջին փուլը հաղթահարած **Հայտերի** ցանկը, որոնք անցնում են փորձաքննության երկրորդ փուլ:

14.2. Փորձաքննության առաջին փուլը չհաղթահարած **Հայտը** երկրորդ փուլ չի անցնում, որի մասին **Խմբի ղեկավարը** տեղեկացվում է էլեկտրոնային եղանակով:

15. Փորձաքննության երկրորդ փուլը (փորձագետի գնահատում)

15.1. Փորձաքննության երկրորդ փուլում փորձագետը գնահատում է **Հայտը՝** հաշվի առնելով **Նախագծի**.

- գիտական և գիտատեխնիկական նորույթն ու արդիականությունը,
- իրականացման նախադրյալները, փուլերն ու ժամկետները,
- ազդեցությունը ոլորտի զարգացման վրա, հեռանկարը,
- **Խմբի անդամների** ձեռքբերումները գիտական և գիտատեխնիկական գործունեության տվյալ բնագավառում, նրանց մասնագիտական որակավորման համապատասխանությունը **Նախագծի** նպատակներին,
- **Գործընկերոջ** մասնագիտական համապատասխանությունը **Նախագծի** նպատակներին, համագործակցության նպատակահարմարությունը,
- գիտական արդյունքների տնօրինումը և տարածումը,
- պահանջվող ֆինանսական միջոցների հիմնավորվածությունը,
- **Մրցույթի** առանձնահատկություններից բխող այլ հարցեր:

- 15.2. **Հայտը** գնահատվում է առնվազն երկու փորձագետի կողմից: Որպես փորձագետ կարող է հանդես գալ նաև **Հանձնաժողովի** անդամը:
- 15.3. Յուրաքանչյուր **Հայտի** համար փորձագետը լրացնում է փորձաքննության փորձագետի գնահատման թերթիկը:
- 15.4. Փորձագետի առավելագույն գնահատականը կազմում է **Հայտի** առավելագույն գնահատականի 50 տոկոսը:
- 15.5. Երկու փորձագետների գնահատականները փորձագետի առավելագույն գնահատականի 30 և ավելի տոկոսով տարբերվելու դեպքում **Հայտը** գնահատվում է երրորդ փորձագետի կողմից:

16. Փորձաքննության երկրորդ փուլը (հարցազրույց)

- 16.1. Փորձաքննության երկրորդ փուլում **Հանձնաժողովը** անցկացնում է հարցազրույց **Խմբի ղեկավարի** հետ:
- 16.2. Յուրաքանչյուր **Հայտի** համար **Հանձնաժողովի** անդամը լրացնում է հարցազրույցի գնահատման թերթիկը:
- 16.3. Հարցազրույցի առավելագույն գնահատականը կազմում է **Հայտի** առավելագույն գնահատականի 50 տոկոսը:

17. Գնահատման արդյունքները

- 17.1. **Հայտի** փորձաքննության երկրորդ փուլի արդյունքում ձևավորված գնահատականը երկու փորձագետների գնահատականների միջին թվաբանականի և հարցազրույցի գնահատականների միջին թվաբանականի գումարն է, իսկ եթե **Հայտը** գնահատվել է երեք փորձագետի կողմից, ապա **Հայտի** գնահատականը փորձագետների՝ երկու իրար մոտ գնահատականների միջին թվաբանականի (երեք փորձագետների գնահատականների հավասար տարբերությունների դեպքում՝ երկու առավելագույն գնահատականների միջին թվաբանականի) և հարցազրույցի գնահատականների միջին թվաբանականի գումարն է:
- 17.2. Փորձաքննության երկրորդ փուլի արդյունքների հիման վրա, **Հայտերի** վերջնական գնահատականների նվազման կարգով, ըստ գիտության բնագավառների (մասնագիտությունների)՝ **Կոմիտեն** ձևավորում է վարկանիշային ցանկ ու ներկայացնում **Հանձնաժողովին**:

- 17.3. **Հանձնաժողովը** հաստատում է **Հայտերի** գնահատականների վարկանիշային ցանկը և **Կոմիտեին** առաջարկում գիտական և գիտատեխնիկական գործունեության յուրաքանչյուր բնագավառի (մասնագիտության) շեմային գնահատականը:
- 17.4. **Կոմիտեն**, ելնելով Հայաստանի Հանրապետության պետական բյուջեի գիտական դրամաշնորհային ֆինանսավորման համար նախատեսված հատկացումների չափից, որոշում է գիտական և գիտատեխնիկական գործունեության յուրաքանչյուր բնագավառի (մասնագիտության) շեմային գնահատականը և **Նախարարի** հաստատմանն է ներկայացնում **Նախագծերի** ցանկը և յուրաքանչյուր **Նախագծի** իրականացման համար նախատեսվող ֆինանսավորման չափը:
- 17.5. **Նախարարի** հրամանով հաստատվում է ֆինանսավորման երաշխավորված **Նախագծերի** ցանկը և յուրաքանչյուր **Նախագծի** իրականացման համար նախատեսվող ֆինանսավորման չափը:
- 17.6. **Մրցույթի** արդյունքներով ֆինանսավորման երաշխավորված **Նախագծերի** ցանկը հրապարակվում է **Կոմիտեի** պաշտոնական կայքում:
- 17.7. **Կոմիտեն Կազմակերպության** ղեկավարին տրամադրում է տեղեկություններ՝ տվյալ **Կազմակերպությունից Մրցույթի** շահառու **Հայտերի** վերաբերյալ:
- 17.8. **Կոմիտեն Խմբի ղեկավարին** տրամադրում է **Հայտի** փորձաքննության արդյունքները և անցողիկ շեմային գնահատականը:

IV. ԱՅԼ ԴՐՈՒՅԹՆԵՐ

18. Պայմանագրերի կնքումը

- 18.1. **Կազմակերպության, Կոմիտեի և Խմբի ղեկավարի** միջև կնքվում է **Պայմանագիր**:
- 18.2. **Խմբի անդամների** ամսական վարձատրությունն ապահովելու համար **Կազմակերպությունը** կնքում է պայմանագրեր՝ Հայաստանի Հանրապետության «Քաղաքացիական օրենսգրքով» սահմանված կարգով, որոնց պատճենները **Կազմակերպության** ներկայացուցիչը (գիտական քարտուղար կամ այլ պատասխանատու անձ) ներկայացնում է **Կոմիտե**:
- 18.3. **Նախագծերի** ֆինանսավորման համար պայմանագրերը կնքվում են **Մրցույթի** արդյունքները հրապարակելուց հետո:
- 18.4. **Նախագծերը** իրականացվում են **Պայմանագրերում** նշված ժամկետներում:

19. Հաշվետվությունը

- 19.1. **Նախագծի** իրականացման մասին **Խմբի ղեկավարը** կազմում է ընթացիկ և ամփոփիչ հաշվետվություններ և ներկայացնում է **Կոմիտե**:
- 19.2. **Նախագծի** իրականացման ընթացքում, ֆինանսավորման մեկնարկից հետո յուրաքանչյուր 12-րդ ամսվա վերջին աշխատանքային օրը, **Խմբի ղեկավարը Կոմիտե** է ներկայացնում ընթացիկ հաշվետվություն, որի հիման վրա **Հանձնաժողովը** տալիս է եզրակացություն՝ **Նախագծի** ֆինանսավորումը շարունակելու նպատակահարմարության մասին:
- 19.3. **Նախագծի** իրականացման 35-րդ ամսվա վերջին աշխատանքային օրը **Խմբի ղեկավարը Կոմիտե** է ներկայացնում եռամյա հաշվետվություն՝ ներառելով **Նախագծի** ակնկալվող միջանկյալ արդյունքները (սույն հրավերի «9.2.» ենթակետ), որոնց հիման վրա **Հանձնաժողովը** տալիս է եզրակացություն՝ **Նախագծի** հետագա ֆինանսավորումը դադարեցնելու կամ ևս 24 ամիս շարունակելու նպատակահարմարության մասին:
- 19.4. **Նախագծի** իրականացման 60-րդ ամսվա վերջին աշխատանքային օրը **Խմբի ղեկավարը Կոմիտե** է ներկայացնում ամփոփիչ հաշվետվություն՝ ներառելով **Նախագծի** ակնկալվող արդյունքները (սույն հրավերի «9.4.», «9.5.» և «9.7.» ենթակետեր), որոնց հիման վրա **Հանձնաժողովը** տալիս է եզրակացություն ամփոփիչ հաշվետվությունն ընդունելու մասին:
- 19.5. Սույն հրավերի «11.4.» ենթակետում նշված պայմանով լրացուցիչ ֆինանսավորման դեպքում յուրաքանչյուր ընթացիկ հաշվետվության մեջ պետք է ներկայացնել հավաստող փաստաթղթեր (հաշվառման հասցեի վերաբերյալ տեղեկություն, տեղեկանք ուսման վայրից, տեղեկանք բնակության վայրից, անձնագրի բոլոր էջերի պատճեններ և այլն), որոնք տրամադրվում են **Հանձնաժողովին**՝ հետագա լրացուցիչ ֆինանսավորումը շարունակելու նպատակահարմարության կամ ֆինանսավորման կրճատման մասին եզրակացության համար:
- 19.6. Գիտության համակարգի գործունեության որակի և արդյունավետության գնահատման նպատակով, սահմանված կարգով, **Կոմիտեն** կարող է իրականացնել **Նախագծի** ընթացիկ մշտադիտարկում և արդյունքները ներկայացնել **Հանձնաժողովին**:

19.7. Նախագծի ֆինանսավորումը շարունակելու նպատակահարմարության մասին եզրակացություն տալիս՝ **Հանձնաժողովը** պետք է հաշվի առնի նաև **Կոմիտեի** իրականացրած մշտադիտարկման արդյունքները:

19.8. Կոմիտեն կարող է ֆինանսավորման երաշխավորված **Նախագծի** անոտացիան և հաշվետվությունները հրապարակել տպագիր կամ էլեկտրոնային եղանակով:

20. Լրացուցիչ տեղեկություններ

20.1. Մտավոր սեփականության հեղինակային կամ արտոնագրային իրավունքի օբյեկտ հանդիսացող նյութեր պարունակող հայտ և այնուհետև հաշվետվություն ներկայացնելու դեպքում պետք է առաջնորդվել «Հեղինակային իրավունքի և հարակից իրավունքների մասին» և «Գյուտերի, օգտակար մոդելների և արդյունաբերական նմուշների մասին» Հայաստանի Հանրապետության օրենքներով սահմանված դրույթներով:

20.2. Խմբի ղեկավարը կարող է դիմել **Կոմիտե Պայմանագրի** նախահաշվի «Այլ ծախսեր» հոդվածի ենթահոդվածներով տվյալ տարվա համար նախատեսված ծախսերի վերաբաշխում կատարելու միջնորդությամբ՝ ներկայացնելով համապատասխան ձևաթղթով հիմնավորում և ստանալով **Կոմիտեի** գրավոր համաձայնությունը: Վերաբաշխում կատարելու դեպքում կնքվում է **Պայմանագրի** անբաժանելի մաս կազմող համաձայնագիր (այսուհետ՝ **Համաձայնագիր**)՝ **Պայմանագրում** փոփոխությունն ամրագրելու համար, ինչպես նաև **Կոմիտե** է ներկայացվում **Պայմանագրի** նախահաշվի փոփոխված տարբերակը:

20.3. Խմբի ղեկավարի կողմից իր պարտականությունների կատարման անհնարինության դեպքում՝ **Կազմակերպության** ղեկավարի միջնորդությամբ, **Կազմակերպության** գիտական խորհրդի և **Խմբի** կատարողների համաձայնությամբ, **Կոմիտեի** գրավոր թույլտվությամբ կարելի է կատարել **Խմբի ղեկավարի** փոփոխություն: **Խմբի ղեկավարի** փոփոխության դեպքում կնքվում է **Համաձայնագիր**, որով **Խմբի** նոր **ղեկավարը** պարտավորվում է **Նախագիծը** իրականացնել համաձայն **Պայմանագրի**:

20.4. Խմբի ղեկավարը կարող է դիմել **Կոմիտե Խմբի** կատարողի կամ **Գործընկերոջ** համարժեք փոփոխություն կատարելու միջնորդությամբ՝ ներկայացնելով համապատասխան ձևաթղթով հիմնավորում և ստանալով **Կոմիտեի** գրավոր համաձայնությունը: **Խմբի** կատարողի փոփոխություն կատարելու դեպքում կնքվում է

Համաձայնագիր՝ Պայմանագրում փոփոխությունն ամրագրելու համար, ինչպես նաև **Կոմիտե** է ներկայացվում նոր կատարողի հետ կնքված պայմանագրի պատճենը:

- 20.5. Խմբի ղեկավարը** կարող է դիմել **Կոմիտե**՝ կատարողների թիվը մեկով կրճատելու միջնորդությամբ՝ ներկայացնելով համապատասխան հիմնավորում: Կատարողների թվի կրճատման դեպքում կնքվում է **Համաձայնագիր՝ Պայմանագրում** փոփոխությունն ամրագրելու համար:
- 20.6. Նախագծի** իրականացման ընթացքում (ոչ շուտ, քան 12 ամիս անց) **Խմբի ղեկավարը** կարող է դիմել **Կոմիտե**՝ կատարողների թիվը **Նախագծին** առնչվող մասնագիտություն ունեցող մինչև 35 տարեկան երկու կատարողներով ավելացնելու առաջարկով՝ ներկայացնելով համապատասխան հիմնավորում:
- 20.7.** Սույն հրավերի «**20.6.**» ենթակետով ներգրավված կատարողները 2025 թվականի ընթացքում պետք է ներառված չլինեն Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորման որևէ ծրագրում:
- 20.8.** Կատարողների թիվն ավելանալու պարագայում **Պայմանագրի** գինն ավելանում է յուրաքանչյուր նոր կատարողի համար մինչև 1,800.0 հազար դրամով (12-ամսյա կտրվածքով) և կնքվում է **Համաձայնագիր՝ Պայմանագրում** փոփոխությունն ամրագրելու համար, ինչպես նաև **Կոմիտե** է ներկայացվում նոր կատարողի հետ կնքված պայմանագրի պատճենը:
- 20.9. Խմբի անդամների՝** Հայաստանի Հանրապետությունից 12 ամսվա ընթացքում երկու ամսից ավելի անընդմեջ բացակայելով հանդերձ **Նախագծում** աշխատանքները շարունակելու համար դեպքերը պետք է նախապես գրավոր համաձայնեցնել **Կոմիտեի** հետ:

21. Նախագծի ֆինանսավորման դադարեցումը

Կոմիտեն կարող է դադարեցնել **Նախագծի** ֆինանսավորումը, եթե.

- սահմանված ժամկետում **Նախագծի** իրականացման մասին ընթացիկ հաշվետվություն չի ներկայացվել,
- **Նախագծի** հետագա ֆինանսավորման նպատակահարմարության վերաբերյալ **Հանձնաժողովի** կողմից բացասական եզրակացություն է տրվել,
- առանց **Կոմիտեի** գրավոր համաձայնության **Պայմանագրի** նախահաշվի «Այլ ծախսեր» հոդվածում կատարվել է գումարի վերաբաշխում,

- առանց **Կոմիտեի** գրավոր համաձայնության **Խմբի** կազմում կատարվել է փոփոխություն,
- առանց **Կոմիտեի** գրավոր համաձայնության **Խմբի անդամներից** որևէ մեկը 12 ամսվա ընթացքում երկու ամսից ավելի անընդմեջ բացակայել է Հայաստանի Հանրապետությունից,
- չի կատարվել սույն հրավերի «**8.5.**», «**8.6.**» և «**9.2.**» ենթակետերում նշված պայմանները, ընդ որում՝ այն կանդիդատնա **Կազմակերպությունից Կոմիտե** ներկայացված հայտերի վրա՝ հետագա ծրագրի համար ստեղծված համապատասխան հանձնաժողովի եզրակացությամբ որոշված չափով:

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌՆԵՐԸ ԵՎ
ՄԱՍՆԱԳԻՏՈՒԹՅՈՒՆՆԵՐԸ՝ ՀԱՄԱՊԱՏԱՍԽԱՆ ԴԱՍԻՉՆԵՐՈՎ**

1. ԲՆԱԿԱՆ ԳԻՏՈՒԹՅՈՒՆՆԵՐ

- 1.1. Մաթեմատիկա
- 1.2. Ինֆորմատիկա և համակարգչային գիտություններ
- 1.3. Ֆիզիկա և աստղագիտություն
- 1.4. Քիմիա
- 1.5. Երկրի մասին և դրան հարակից բնապահպանական գիտություններ
- 1.6. Կենսաբանական գիտություններ

2. ՃԱՐՏԱՐԱԳԻՏՈՒԹՅՈՒՆ ԵՎ ՏԵԽՆՈԼՈԳԻԱ

- 2.1. Քաղաքաշինություն և ճարտարապետություն
- 2.2. Էլեկտրատեխնիկա, էլեկտրոնիկա, էներգետիկա, համակարգչային և տեղեկատվական տեխնոլոգիաներ
- 2.3. Մեխանիկա
- 2.4. Մեքենագիտություն և մեքենաշինություն
- 2.5. Քիմիական տեխնոլոգիաներ
- 2.6. Նյութագիտություն
- 2.7. Բժշկական սարքաշինություն
- 2.8. Էկոլոգիա
- 2.9. Կենսատեխնոլոգիա
- 2.10. Նանոտեխնոլոգիա

3. ԲԺՇԿԱԿԱՆ ԳԻՏՈՒԹՅՈՒՆՆԵՐ

- 3.1. Ընդհանուր բժշկություն
- 3.2. Կլինիկական բժշկություն
- 3.3. Բժշկական կենսատեխնոլոգիա

4. ԳՅՈՒՂԱՏՆՏԵՍԱԿԱՆ ԳԻՏՈՒԹՅՈՒՆՆԵՐ

- 4.1. Անասնաբուծություն, անասնաբուժություն
- 4.2. Բուսաբուծություն
- 4.3. Հողագիտություն, ագրոքիմիա, բույսերի պաշտպանություն
- 4.4. Գյուղատնտեսական կենսատեխնոլոգիա

5. ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐ

- 5.1. Հոգեբանություն
- 5.2. Տնտեսագիտություն և գործարարություն
- 5.3. Մանկավարժական գիտություններ
- 5.4. Սոցիոլոգիա
- 5.5. Իրավունք
- 5.6. Քաղաքական գիտություններ
- 5.7. Սոցիալական և տնտեսական աշխարհագրություն
- 5.8. Զանգվածային լրատվություն և հաղորդակցություն

6. ՀԱՅԱԳԻՏՈՒԹՅՈՒՆ ԵՎ ՀՈՒՄԱՆԻՏԱՐ ԳԻՏՈՒԹՅՈՒՆՆԵՐ

- 6.1. Պատմություն, հնագիտություն
- 6.2. Լեզվագիտություն, գրականագիտություն
- 6.3. Փիլիսոփայություն, էթիկա
- 6.4. Աստվածաբանություն, կրոնագիտություն
- 6.5. Արվեստագիտություն

ՆԱԽԱԳԻԾ

Ներկայացնել անգլերեն, մինչև 12 էջ՝ ներառյալ գրաֆիկները, գծագրերը, լուսանկարները և գրականության ցանկը.

1. Համառոտ բնութագիրը (անոտացիա)

2. Հետազոտական խնդրի վերաբերյալ գիտելիքների ներկա վիճակի մասին վերլուծությունը

3. Նախագծի նպատակները և խնդիրները

4. Հետազոտական նախագիծը

5. Նախագծի իրականացման գիտական մեթոդները

6. Օրացուցային պլանը (ըստ կիսամյակների, Գանտի աղյուսակ)

7. Խմբի ձեռքբերումները տվյալ ոլորտում

8. Գիտական ստորաբաժանման զարգացման հեռանկարները (ռիսկերը և հնարավորությունները)

9. Միջազգային համագործակցության նախադրյալները, ինչպես նաև օտարերկրյա գործընկերոջ համապատասխանությունը և նպատակահարմարությունը

10. Ակնկալվող արդյունքների քանակական և որակական ցուցանիշները (գիտական հոդվածներ, գիտաժողովների նյութեր և այլն), նորարարական կարողության օգտագործում (տեխնոլոգիական ներդրում, ցուցադրում, փորձնական նմուշ, նախատիպ և այլն), մտավոր սեփականության տնօրինում (արտոնագիր, հեղինակային իրավունք և այլն), միջազգային համագործակցային կապերի ամրապնդում, համագործակցության հեռանկարներ)

11. Օգտագործված գրականության ցանկը

ԲԱՐՁՐԱԳՈՒՅՆ ԿՐԹՈՒԹՅԱՆ ԵՎ
ԳԻՏՈՒԹՅԱՆ ԿՈՄԻՏԵԻ ՆԱԽԱԳԱՀ
ՊԱՐՈՆ ՍԱՐԳԻՍ ՀԱՅՈՑՅԱՆԻՆ

ՔԱՂԱՔԱՑԻ _____
(անուն հայրանուն)
_____ ից
(ազգանուն)

(հասցե)

(հեռախոս)

ԴԻՄՈՒՄ

Խնդրում եմ ընդունել «Հայաստանի Հանրապետության գիտական համայնքին
արտերկրի գիտնականների ինտեգրում - 2026» մրցույթին մասնակցության
«_____» վերնագրով հայտը:

Դիմող՝ _____
(ստորագրություն)

(_____)
(անուն, ազգանուն)

«___» _____ 2026 թ.

N _____ «___» _____ 2026 թ.

ԲԱՐՁՐԱԳՈՒՅՆ ԿՐԹՈՒԹՅԱՆ ԵՎ
ԳԻՏՈՒԹՅԱՆ ԿՈՄԻՏԵԻ ՆԱԽԱԳԱՀ
ՊԱՐՈՆ ՍԱՐԳԻՍ ՀԱՅՈՑՅԱՆԻՆ

Խնդրում եմ ընդունել «Հայաստանի Հանրապետության գիտական համայնքին
արտերկրի գիտնականների ինտեգրում – 2026» մրցույթին (կազմակերպության անվանում)-ից
ներկայացված _____ վերնագր(եր)ով հայտ(եր)ը:

Կազմակերպության ղեկավար՝ _____
(ստորագրություն)

(_____)
(անուն, ազգանուն)

* Հավելված N 2.4-ով առաջարկվող տեքստը ներկայացնել կազմակերպության ձևաթղթով:

Նախագծի վերնագիրը

Ընդարձակ ամփոփագիրը

Ընդարձակ ամփոփագիրը գնահատվում է փորձաքննության առաջին փուլում, անհրաժեշտ է ներկայացնել անգլերեն մինչև 2 էջ:

Ընդարձակ ամփոփագիրը պետք է լինի **Նախագծի** հակիրճ տարբերակը և շեշտադրի հետազոտության կարևորությունն ու նպատակահարմարությունը: